



Per Berthelsen
Inatsisartunut ilaasortaq, Siumut

Napparsimasut pisinnaatitaaffii pillugit apeqqutinik Inatsisartut suliariaasianni § 37, imm. 1 naapertorlugu Naalakkersuisunut nassitsivutit. Apeqqutit ataani akineqarput:

27. februar 2014
Sagsnr. 2014-096069
Dok. Nr. 1501161

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

1. Assersuutigalugu Danmarkimut napparsimasut katsorsartikkiartortussat ilaquattanik qimataannut attaveqarnissamut periarfissaat pillugit paasissutissat suut ilisimatitsissutigineqartarpat?

Napparsimasut Danmarkimi katsorsarneqartussatut innersuunneqartut quppersakkamik paasissutissanik imalimmik aallannginneranni tunineqartarput. Tassani ersippoq ilaquttat qanoq attavigineqarsinnaanersut. Napparsimasut ilaquttanut attaveqarnissamut periarfissat pillugit Kalaallit Napparsimasut Angerlarsimaffiannut tikikkaangamik aamma ilisimatinneqartarput.

2. Paasissutissat suut qanorlu ittut, peqqissartut ataasiakkaat Danmarkimiinnerminnut nunaniluunnit allamiinnerminnut atatillugu ilaatigut ulluinnarni pisariaqartinneqartunut akiliunneqarsinnaanerannut ilisimatsitsissutigineqartarpat?

Aallannginnermi quppersagaq paasissutissanik imalik 'Danmarkimi katsorsartikkaangavit' tunniunneqartarpoq. Quppersakkami ilaatigut ersippoq sumi neri-soqartarsinnaanersoq aammalu inuinnarni najugaqaraanni ullormusiaqarsinaannermut periarfissat suunersut. Kalaallit napparsimasut angerlarsimaffiannut tikinnermi najugaqarnermi pissutsit pisariaqartut tamaasa aamma paasissutissiissutigineqartarput, tassunga ilanngullugit ulluinnarni pisariaqartitanut qanoq aningaasartuuteqartoqartarnersoq.

3. Peqqinnissaqarfiumi tungaanit inuit katsorsartereernermit kingorna ippigisanik misigisinnaasaat pillugit qanoq ilisimatinneqartarpat?

Danmarkimi katsorsaaneq danskit nakorsaannit danskillu peqqisaanermi sulisuinit allani ingerlanneqartarpoq. Katsorsaaneq katsorsaasoqarneranilu tamassumalu kingorna saniatigut sunniutai pillugit danskit peqqisaanermi sulisuinit ilisimatitsissutigineqartarput. Peqqinnissaqarfik annertunerpaamik paasissutissiiniartarpoq. Napparsimasut katsorsartiffimmi oqaasiinik oqalussinnaanngitsut nutserisoqarsinnaapput. Peqqinnissaqarfiumi nunanilu allani katsorsaaviit akornanni ingerlaavartumik oqaloqatigiittarnikkut paasissutissanilu

paarlaasseqatigiittarnikkut katsorsartinnissamut neqeroorutit pillugit napparsimasunut paasissutissiisarnerput siunissami pitsanngorsarniarparput.

4. Nunatsinni katsorsartittut naammagittaalliorfigisinnaasaat pillugit qanoq ilisimatinneqartarpat?

Peqqinnissaqarfiup nittartagaani www.peqqik.gl innuttaasut naammagittaalliornissamut periarfissaat pillugit ilitsersuuteqarpoq. Sulisut naammaginangitsumik iliuseqarnerisigut, sumiiffinni pissutsititigut, piffissanik ammasarfitsigut piffissamik utaqqsarnertigut sullinneqarnermik naammagittaalliorneq pineqarpat innuttaasut peqqissutsimut aqutsisoqarfimmuut sullinneqarneq naammagittaalliutigisinnaavaat. Peqqissaanermi kukkusumik katsorsarneqarneq pineqarpat Nunatsinni Nakorsaaneqarfimmuut naammagittaalliortoqarsinnaavoq, tamassumalu kingorna naammagittaalliut Sundhedsvæsenets Disciplinærnævn i Danmark-imit suliarineqassaaq. Sundhedsvæsenets Disciplinærnævn isumaqarpat kukkusoqarsimasoq innuttaasut Kalaallit Nunaanni Peqqinnissaqarfimmit taarsiivigineqarnissamik periarfissaqarput. Peqqinnissaqarfiup nittartagaani www.peqqik.gl naammagittaalliutit taakku suliarineqartarnerat pillugu ilitsersuuteqarpoq. Innuttaasut tamarmik tamassuma saniatigut Peqqissutsimut Attaveqarnermullu Naalakkersuisoqarfimmuut attaveqarnissamik periarfissaqarput, tassanilu napparsimasut pisinnaatitaaffii qulakkeerneqarnissaat siunertaralugu Peqqinnissaqarfik pillugu qanoq naammagittaalliorsinnaanermik ilitsersorneqarsinnaallutik.

5. Peqqissartooq nakorsap nappaammik suussusiineranut nalornisillugu, qanoq annertutigisumik peqqissartooq nakorsamit allamit misissorneqartarpa?

Nakorsaq nappaammik suussusiinissamik nalorniguni suleqatiminik isumasiuinissaq nakorsap toqqartarparaa. Tassaagajupput suleqatit nappaataasinnaasumik immikkut ilisimasallit. Taamatut isumasioqatigiinnermi ilassumik annertunerusumik misissuinissaq imaluunniit suleqatip napparsimasumik aamma misissuinissaa aalajangerneqartarpoq.

6. Misissuinermut atatillugu aaviinermi aalajangersimalluinnartunik periusissiaqarpa?

Aammik misissugassamik tigusinerni aamma allanik misissuinerne nappaatit ilaanni aalajangersimalluinnartumik periuseqartoqartarpoq, nappaatinilu allani napparsimasup sumik nappaateqarneranut naleqqussaasoqartarluni. Napparsimasumik kinaassusiinermut, eqqiluisaarnermi iliutsinut aamma misiliutissat inniminnerneqartut misiliutissallu tiguneqartut imminnut naapertuunnerannut tunngatillugu aammik misiliutissamik tigusinermi aalajangersimalluinnartumik periuseqartoqartarpoq.

7. Nunatsinni peqqinnissaqarfik napparsimasunut sukumiisumik misissorterusuttunut itigartinneqarnermillu kingorna, namminneq akilikkaminnik napparsimavinnut namminersortutik ingerlasunut inuerminnik uppersakkamik annaanniartunut peqqinnissaqarfik qanoq iliuseqartarpa?

Sulisoqassutsimut Peqqinnissaqarfimmilu immikkut ilisimasaqarneq tunngavigalugu Peqqinnissaqarfiup napparsimasut tamaasa misissortarpei. Inatsisit isumaqatigiissutillu atuuttut naapertorlugit Kalaallit Nunaata avataani misissortinnernut katsorsaanernullu napparsimasumut Kalaallit Nunaanni Peqqinnissaqarfimmit innersuunneqartunut aammalu Kalaallit Nunaanni Peqqinnissaqarfiup akiliinissamik qulakkeerinnitsillugu Peqqinnissaqarfik taamaallaat akiliisinnaavoq. Tamanna namminersortut pisortallu napparsimaviinut atuuppoq. Napparsimaseq napparsimavimmut namminersortumut saaffiginnippat tassangaannarlu inuunerup ulorianartorsiornera pineqarpat napparsimaseq Danmarkimi pisortat peqqinnissaqarfiannut saaffiginnittariaqassaaq. Danskil peqqinnissaqarfiata pisortat napparsimavianni katsortinneq akilissavaa.

8. Napparsimasut siuliani taaneqartut innuttaasut allat assigalugit, aningaasartuutunik uppersarneqarsinnaasunik utertitsivigineqarlutik akeqanngitsumik katsorsarneqarnissamut pisinnaatitaaffeqarpat?

Kalaallit napparsimasut Kalaallit Nunaanni inatsisini pisinnaatitsisoqarpat aningaasartuutit uppersarneqarsinnaasut utertisinnaavaat. Aningaasartuutit pineqartut Kalaallit Nunaanni peqqinnissaqarfimmit akilerneqassapput. Sullississutit suut Peqqinnissaqarfimmit akilerneqassanersut tamassumalu kingorna utertinneqassanersut inatsimmi innersuussutaapput.

9. Napparsimasut katsorsartissimasut napparsimasut maalaartarfiannit aningaasartuutiminnik utertitsinissamut itigartinneqartut qanoq iliorfigineqartarpat/iliorfigineqarsinnaappat?

Napparsimasut naammagittaalliutaannik aalajangiisartut atorunnaarsinneqarnikkuupput, napparsimasullu naammagittaalliutaat uunga 'Sundhedsvæsenets Disciplinærnavn i Danmark' nuunneqarnikuullutik. 'Patientombudet' uunga 'Sundhedsvæsenets Disciplinærnavn' peqqissaanermi suliaqartut katsorsaanerit pillugu naammagittaalliutinik suliarinnittartumut allatseqarfiuvoq. 'Patientombudet' imaluunniit 'Sundhedsvæsenets Disciplinærnavn i Danmark' peqqissaanermi aningaasartuutunik akilerneqartunik utertitsinissat suliarineq ajorpaat. Nunani allani katsorsarneqarnermut atatillugu aningaasartuutunik utertitsiffigineqarnissamik itigartitsisoqarpat Peqqissutsimut Attaveqarnermullu Naalakkersuisoqarfimmut naammagittaalliuteqarnissaq periarfissaavoq. Aammattaaq isumaqaraanni utertinneqarsinnaasunik aningaasartuuteqarsimalluni Eqqartuussivinnut suliasanngortitsinissaq periarfissaavoq.

Neriuppunga apeqquutitit qulaani akineqartut.

Inussiarnersumik inuulluaqqusillunga


Steen Lyng